

A E sabiduria di e mandamentunan (Salmo 119).

- ❖ E tema prinsipal di Salmo 119 ta Dios Su mandamentunan manera a wòrdú ekspresá den Su Palabra.
- ❖ Manera den hopi otro lugánan den e Beibel, den e salmo aki bida ta wòrdú kompará ku un kaminda ku kada persona ta biahá. E kaminda aki por guiábo na bida etérno, òf kondenashon etérno. Kon pa skohe e kaminda korekto?
- ❖ E Palabra ta iluminá e kaminda korekto (Salmo 119:105); ta limpia(purifika) esaki (Salmo 119:9); guia nos pasonan (Salmo 119:133); i ta prevení nos for di e peligernan di e kaminda malu (Salmo. 119:101).
- ❖ Bibando di akuerdo ku e Palabra nesesariamente ta impliká pa warda e mandamentunan divino (Salmo 119:4). Nos no tin e kapasidat pa hasi asina, pero nos ta wòrdú sigurá ku, dor di medita riba nan ku e yudansa di Dios, nos lo ta kapas pa atkerí(haña) mas i mas sabiduria pa warda nan i wòrdú protehá dor di nan (Salmo. 119:5-6).
- ❖ Wardando e mandamentunan no ta djies un aktitut eksterno, e ta impliká un disposishon di e mente i kurason (Salmo. 119:7, 148).

B E origen di sabiduria (Salmo 90).

- ❖ Nos ta biba pa un periodo kòrtiku di tempu ku, kompará ku e Kreador Su etèrnidat, ta manera un rosea(suspiro) (Salmo. 90:2, 4, 9).
- ❖ Den e tempu kòrtiko aki, nos ta biba de piká, bou di e rabia di Dios (Salmo 90:8-11). Pero Dios a ekstendé Su grasia na nos, i satisfasé nos ku Su miserikòrdia Salmo. 90:13-14).
- ❖ Ora ku nos permití nos mes di wòrdú siñá pa medio di Dios, nos ta siña pa “ konta nos dianan.” Di e manera aki, nos ta atkerí berdadero sabiduria, i ta wòrdú transformá den e imagen di nos Kreador, Kende nos ta siña pa teme i reverensiá (Salmo. 90:12, 16; 111:10).
- ❖ Sabiduria atkerí ta guia nos promé pa repentí i despues pa hasi e trabounan ku Dios kier pa nos hasi (Salmo. 90:3, 17).

C Sabiduria den pruebanan (Salmo 95, 81 i 105).

- ❖ **Enfrenta prueba sin sabidoria:**
 - Na Meriba, Israel a pone Dios na prueba: “ pasombra nan a pone Señor na prueba, bisando, Señor ta meimei di nos, sí òf nò?” (Eks. 17:7). Sinembargo, for di Dios Su puntu di bista, tabata E Kende a pone Israel na prueba (Salmo. 81:7).
 - Israel no a psa e prueba, pero kaprichosamente a keda den esaki su rebelion, pa kual e mester a wòrdú kastigá (Salmo 95:8-11). Apesar di tur kos, Dios a duna nan e awa ku nan a pidi pe (Eks. 17:5-6).
 - Pero, si nan tabata sabí, nan lo a pasa e prueba. E ora ei, Dios lo por a hasi gran maraviyanan ku nan (Salmo. 81:13-16).
- ❖ **Enfrenta prueba ku sabidoria:**
 - Jose a wòrdú enkarselá den heru, maltratá i afluxí . Pero el a tuma un desishon sabí: pa sirbi Dios no importá e sirkumstansianan (Salmo. 105:16-18; Gen. 39:7-9).
 - Ora ku el a pasa e prueba, Dios a eksalt’é (Salmo 105:19-21). Su sabiduria tabata asina evidente ku Farao a enfarg’é pa siña Su ansianonan e sabiduria ku kual Dios a dot’é (Salmo 105:22). Dor di Jose, Dios a duna bida na e famia kompleto di Israel (Salmo. 105:23).

D Sabiduria práktiko:

❖ E kaminda na maldat (Salmo 141).

- Salmo 141 ta un orashon pa pidi Dios pa libra nos for di tentashonnan interno i eksterno (Salmo 141:1-3, 9-10). Den nos mes forsa, nos no por vense tentashon, pasombra nos kurason mes ta desea piká. Nos mester hasi orashon kontinuamente pa ta kapas pa resistí tentashon.
- Salmo 141:4 i 1:1 ta mustra nos e proseso di tentashon:
 - (1) E kurason ta lèn na maldat.
 - (2) E persona ta kometé (hasi) piká.
 - (3) E ta deleitá (alegrá) den maldat.
- E salmonan ta deskribi e karakter progresivo, seduktivo i astuto di tentashon. Solamente dependensia total riba Señor por garantissá viktoria (Salmo 41:8-10). Sinembargo, e viktoria final riba piká ainda ta den futuro (Salmo. 1:5-6).

❖ E bendishonnan di hasi bon (Salmo 1, 112 i 128).

- E funkshon prinsipal di sabiduria ta pa komportá nos mes na un manera korekto, di akuerdo ku e boluntat di Dios. Ki bendishonnan nos lo risibí dor di aktua asin'aki?
 - (1) Nos lo wòrdú bendishoná (Salmo. 1:1; 112:1; 128:1)
 - (2) Nos obranan lo prosperá (Salmo. 1:3; 128:2)
 - (3) Nos desendientenan lo ta poderoso (Salmo. 112:2; 128:3)
 - (4) Nos lo risibí kosnan bon i rikesa (Salmo. 112:3)
 - (5) Nos lo kana den e lus di Dios (Salmo. 112:4)
 - (6) Nos lo goberná nos asuntunan bon (Salmo. 112:5)
 - (7) Nos lo no slep, i nos lo wòrdú rekòrdá . 112:6)
 - (8) Nos lo no tin miedu di mal notisia (Salmo. 112:7)
 - (9) Nos lo derotá nos enemigunan (Salmo. 112:8)
 - (10) Nos lo wòrdú eksalsá den gloria (Salmo (Ps. 112:9)
- E konflikto aktual entre e bon i e malu tin bia ta prevení nos di gosa di tur e bendishonnan aki, òf di ser solamente kapas pa gosa di nan parsialmente. Sinembargo, e tempu lo bini ora ku nos lo por ta totalmente bendishoná, den e Reino di Dios.